



Claudii Fleurii Abbatis Historia Ecclesiastica

Ab Anno Christi 888. Usque Ad Annum 1000

Fleury, Claude

August. Vind. [u.a.], 1761

VD18 90117921

§. 50. Joannes Abbas Cassinensis.

[urn:nbn:de:hbz:466:1-66313](#)

Joannes X. Sacram Sedem paulo Sæculum X.
plus annis quatuordecim obtinuit. A.C. 915.

Sub Pontificatus initium a duobus
fratribus Landulfo & Atenulfo, Capuæ ^{Chr. Cass.} c. 52.
Principibus, invitatus, ad armorum so- *Luitpr. II.*
cietatem, & depellendos Saracenos ab ^{c. 14.}
illa statione, quam ad Garilianum occu-
pabant, Joannes cum copiis, Alberico
Marchione Duce, & auxiliariis Constan-
tinopoli in Italiam transmissis, illuc mo-
vit. Profligati sunt Saraceni & ex illis
regionibus ejecti, mense Augusto, anno
nongentesimo decimo quinto, Indictione
tertia.

Ad hanc victoriam Berengarius quid-
quam contulisse creditur. Illud vero
constat, quod mense Septembri anno non-
gentesimo decimo sexto a Joanne X. Pa-
pa Imperator secundo coronatus fuerit,
quamvis eum jam olim Stephanus VII.
coronasset. Sed primam Coronationem
Joannes IX. nullam declaraverat.

§. L.

Joannes Abbas Cassinensis.

Monachi Cassinenses adhucdum extra
suum Monasterium degebant, nec
tamen illius reparandi curam penitus ab-
jiciebant. Post obitum S. Bertarii, quo-
cum Teanum confugerant, Abbatem
habuerunt Ragemprandum, tum Leo-
nem, qui muros Cassinensis Monasterii
a Sa-

Sæculum X. a Saracenis incensos & destructos restau-
A. C. 915. rare cœpit, a Joanne deinde ejus Suc-

cessore ad justum fastigium eductos.
Joannes e familia nobili Capuana ortus,
& Principum agnatus tunc Archidiaconi

Chron. Cass. Capuani Dignitate gaudens, pietate &
castissimis moribus fulgebat. Postquam
igitur Congregatio Teanensis aliquam-
diu nullum habuisset Præpositum, quod
nemo idoneus reperiretur, qui eam re-
geret, Principes Capuani Landulfus &
Atenulfus Joannem Archidiaconum ro-
gant flagitantque, ut orbatæ familiæ re-
gimen in se susciperet. Annuit tandem
Joannes, & ipse Monachum induit. Nam-
que ita usus ferebat, ut si Abbas Sæcu-
laris eligeretur, ante omnia ipse Mona-
chorum institutum amplecteretur. Ita-
que Joannes communi Congregationis
consensu eligitur & a Joanne Papa X.
solemni ritu benedicitur. Tunc vero
fratres monere & exhortari cœpit, ut
relicto Teano Capuam se conferrent, quæ
civitas illius provinciæ validissima esset,
& tanquam Principum Sedes tutior. Il-
lis Patris monitis obsecundantibus Joan-
nes tam propinquorum, quam amicorum
fultus subsidiis insignem Ecclesiam in ho-
norem S. Patris Benedicti, Monasterium,
ædesque Officiis Monasterii congruentes
a fundamentis erexit, ibique Mona-

ches

chos amplius quinquaginta congrega- Sæculum X.
vit. (*) A. C. 915.

§. LI.

Normanni convertuntur.

Heriveus Archiepiscopus Remensis Joannem Papam circa quæstiones ad pœnitentiam pertinentibus, postquam Normanni ad fidem fuissent conversi, consuluit. Quippe illa Gens annorum ferme septuaginta spatio Franciam depopulata tandem sedem in ea fixit, & Christiana Sacra recepit.

Rex

(*) Fleurius non satis clare hæc narrat; nec apparet, in quo Monasterio, an in Cassinensi vel Capuano Joannes Abbas fuerit, vel an utriusque præfuerit. Aliquam lucem affundit, quod legitur in Annalibus Bened. anno 915. p. 326. Non tamen Casini curam abjecit Joannes, immo post ejus renovationem, varia ipsi ornamenti contulit, totiusque Abbatiæ præceptorum confirmationem a Principibus obtinuit. Paulo autem superius legitur: Hoc Monasterium (Capuanum) post varios casus, quos in consequentibus referemus, tandem Patribus Societatis Jesu cessit, concessa a Clemente VIII. Abbatia Cardinali Bellarmino, qui Canonicos loco Monachorum istuc inducos, alio translulit, annuente Paulo quinto, ac suæ Societatis Patres istuc introduxit.